

OFFICIA PROPRIA  
ARCHIDIECESIS FRIBURGENSIS

PARS VERNA

FESTA MARTII

Die 2 Martii  
B. Henrici Susonis  
Confessoris  
Duplex (m. t. v.)

Ÿ. Amávit eum Dóminus, et ornávit eum. R̄. Stolum glóriæ induit eum.

Ad Magnif. Ant. Similabo eum  
\* viro sapienti, qui ædificávit domum suam supra petram.

Oratio

DEUS, qui beátum Henricum Confessórem tuum córporis mortificatione et caritate mirabilem effecisti: concéde; ut Christum crucifíxum corde diligere, et ópere in nobis exprímere valeámus. Per eúndem Dóminum.

Et fit Com. Feriæ.

In I Nocturno Lectiones Beátus vir,  
de Communi Conf. non Pont. 1 loco.

In II Nocturno

Lectio iv



HENRÍCUS Suso, Joáannes a Suévia dictus, ubi ex illústri familia ortus, cognómen non a patre Montése, sed pótius Sunon a Matre, ceu piússima fémina retínuit. Juste sanctéque educátus ádeo in virtútibus profécit, ut décimo tértio ætátis anno ad altióra a Deo vocátus, Prædicatórum Ordini Constántiæ nomen déderit. Humánæ vero fragilitáti in religióne páululum indúlgens, per quinquénium ita se hábuit, ut leves communésque culpas parvipénderet, donec eum Deus, volens divítias misericórdiæ suæ osténdere, a terrénis afféctibus

expeditum ad se, pēnitus attráxit: propter eáque Henricus intērnis certamínibus et afflictatióibus, quibus retardabátur a via perfectiōnis, magno ánimo superátis, cæléstibus solum inhians, Dei præsentiam júgiter contemplári constituit.

**R̄.** Honéstum fecit illum Dóminus, et custodívit eum ab inimícis, et a seductóribus tutávit illum: \* Et dedit illi claritátem ætérnam.

**V̄.** Justum dedúxit Dóminus per vias rectas, et osténdit illi regnum Dei. **Et.**

### Lectio v

**C**HRISTIÁNÆ mortificatiōnis exemplar efféctus, Christi passiōem in semetípso exprímere miris abstinéntiis. corporisque cruciátibus conátus est; nam cilícium et caténam férream ácubus armátam diu noctúque gestávit, et in ejúsdem passiōnis memóriam lígneam crucem clavis férreis hórridam inter scápulas ad carnem sibi aptávit. Super nudam tábulam, ac sine ullo operiménto dormíre solébat; multis prætérea vigiliis, flagellatióibus

aliisque pœnitentiæ opéribus corpus suum, tamquam infensissimum hostem, quotidie in servitútem redégit. Divíno amóre veheménter accénsus, nomen Jesu sinístro pectoris láteri stylo férreo impréssit; sed Deus, qui ad sublimióra illum vocáverat, córporis cruciátibus hisce amarióres spiritus afflictatiónes adjúnxit.

**R̄.** Amávit eum Dóminus, et ornávit eum: stolam glóriæ induit eum, \* Et ad portas paradísi coronávit eum. **V̄.** Induit eum Dóminus lorícam fidei, et ornávit eum. **Et.**

### Lectio vi

**Q**IBUS angústiiis, necnon hóminum moléstiiis ac persecutióibus Henricus úndique jactátus, in Dei bonitáte confidens, firma spe, humilitáte et paciéntia de advérsis triumphávit. In Ordinis observatióibus erat sollícitus, orándi habens stúdiu indeféssum, ac siléntium ita servans, ut numquam illud frégerit. Erga Deíparam Vírginem ferventíssimo ferebátur obséquio. Salútem zelans animárum, innúmeros pec-

catóres ad poeniténtiam redúxit, præcípue vero dum magnam Germanís partem, Suéviam imprimis et Alsátiam, verbum Dei contínuo prædicans, perlustrávit. Mórítur post multos labóres plurimáque patiéntiæ documénta, plenus diérum ac virtútum, in cœnóbio Ulménsi, ubi multis miráculis a Deo claruisse perhibétur. Hujus sancti viri fama longe latéque diffúsa, cultum ecclesiásticum íllico ad præsentem usque diem ipsi conciliávit, quo rite probáto primo Gregórius décimus sextus Ordini Prædicatórum, deinde Leo décimus tértius Archidioecési Friburgénsi Officium Missámque in ejus honórem benigne concésit.

**R.** Iste homo perfécit ómnia quæ locútus est ei Deus, et dixit ad eum: Ingrédere in réquiem meam: \* Quia te vidi justum coram me ex ómnibus géntibus. **Ps.** Iste est, qui contépsit vitam mundi, et pervénit ad cæléstia regna. **Quia.** Glória Patri. **Quia.**

In III Nocturno Homilia in Evangel. Confiteor tibi Pater, de Communi Abbatum 2 loco.

### IX Lectio de Homilia Feriæ.

#### AD LAUDES

**Ps.** Justum dedúxit Dóminus per vias rectas. **R.** Et osténdit illi regnum Dei.

**Ad Bened. Ant.** Euge, serve bone \* et fidélis, quia in pauca fuísti fidélis, supra multa te constítuam, intra in gáudium Dómini tui.

#### Oratio

**D**EUS, qui beátum Henricum Confessórem tuum córporis mortificatióne et caritaté mirábilem effecísti: concéde; ut Christum crucifixum corde dilígere, et ópere in nobis exprímere valeámus. Per eúndem Dóminum.

Et fit Com. Feriæ.

Vesperæ a Capitulo de sequenti, Com. præcedentis et Feriæ.

#### Die 3 Martii

S. Cunegundis **Imperatricis,**  
**Virginis Duplex**

**Ps.** Spécie tua et pulchritúdine tua. **R.** Inténde, prospere procéde, et regna.

**Ad Magnif. Ant.** Veni, Sponsa Christi, \* áccipe corónam, quam

tibi Dóminus præparávit in ætérnum.

### Oratio

**D**EUS, qui beátæ Cunegúndi Vírgini tuæ terréna despícere, et ad cæléstis impérii culmen anheláre tribuísti: concéde, quæsumus; ut ejus imitatione calcátis mundi illécebris, ad gáudia æténa secúri pervenire valeámus. Per Dóminum nostrum.

*Et fit Commem. præcedentis:*

*Ad Magnif. Ant.* Hic vir despiciens mundum \* et terréna, triúmphans, divítias cælo cóndidit ore, manu.

Ÿ. Justum dedúxit, *et Oratio* Deus, qui beátum, *ut supra.*

*Deinde Com. Feriæ.*

*In I Nocturno Lectiones* De Virgínis, *de Comuni 1 loco.*

### In II Nocturno

#### Lectio iv



**C**UNEGÚNDIS Augústa, Germanórum nobilíssima, ab ineunte ætate præclára exhibuit sanctitátis indicia, ac Deíparæ Vírginis, cui se totam addíxerat, patrocínio

mundi illécebras, et fluxas carnis voluptátes ea morum severitáte coércuit, ut virginitátem quoque perpétuam cólere, atque angélicam in terris vitam ágere proposúerit. Verum paréntum jussis, qui illam in matrimónium despónderant, obtemperáre coácta, illud a cælésti sponso, qui páscitur inter lília, précibus efflagitávit, ut quem suscíperet virum, virginitátis suæ custódem inveníret. Henríco itaque Baváriæ duci, cognométo Pio, póstea Romanórum imperatóri, in matrimónium trádicta, raro exémpló virginitátem ipso annuente illibátam servávit: in cujus testimónium, cum aliquándo, instigánte humáni géneris hoste, suspício quædam contra ipsam fuisset exórta, nudis pédibus super ignítos vómeres incédens illæsa, egrégium suæ innocentie præbuit arguméntum, quod sanctus ipse Henricus suprémó mortis témpori appropínquans, abundantius declarávit; accítis namque impérii procéribus, aliisque princípibus viris, ac sanctæ Vírginis consanguíneis: qualem

mihi, inquit, eam assignástis, talem reddo: vírginem dedístis, vírginem reddo.

**℞.** Propter veritátem, et mansuetúdinem, et justítiam: \* Et dedúcet te mirabíliter délixtera tua.

**℣.** Spécie tua et pulchritúdine tua inténde, próspere procéde, et regna. **Et.**

### Lectio v

**S**INGULÁRI erga eccléſias pietáte prædita, sanctum Henricum cónjugem suum ad eas construéndas et locupletándas exhortatióibus incitávit, ópibus adjúvit. Bambergensem itaque episcopátum própriis facultátibus fundátum, beáto Petro Apostolorum Príncipi, Romanæque Ecclésiæ vectigálem fecerunt, plúribus áliis templis et cœnóbiis cæsaréa plane munificéntia locupletátis. Cum pene ómnia, quæ habébat in terris, Christi ecclésiis, ac paupéribus distribuísset, seipsam quoque defúncto viro in Jesu Christi obséquium impéndit, ac sancti Patris Benedicti régulam professa, et regnum mundi et omnem ornátum sæculi ingéni

ánimi demissióne contémnens, sanctum religiósæ vitæ propóſitum usque ad mortem exactíssime custodívit.

**℞.** Dilexísti justítiam, et odísti iniquitátem: \* Proptérea unxit te Deus, Deus tuus, oleo lætítiæ. **℣.** Propter veritátem, et mansuetúdinem, et justítiam. **Proptérea.**

### Lectio vi

**J**UGI itaque virtútum exercítio, cum annos quíndecim in cœnóbio bonórum óperum méritis cumuláta transegísset, ad cæléstis Agni núptias, quas únice optáverat, invitáta sancto fine quiévit. Fámulæ suæ sanctitátem Deus íllico póstmodum crebris miráculis demonstrávit; nam ad ejus túmulum cæci visum, claudi gressum, surdi audítum, muti loquelam, aliisque multis ac diutúrnis affécti languóribus salutem retulerunt; sed illud inprimis nóbile, quod pulvis de sepúlchro ejus assúptus sæpe in fruméntum convértil repértus sit. Quibus rite probátis, ab Innocéntio tértilio Pontífice Máximo sanctárum

virginum número est adscrípta.

**℞.** Afferéntur Regi vírgines post eam, próximæ ejus; \* Afferéntur tibi in lætítia et exsultatióne.

**℣.** Spécie tua et pulchritúdine tua; inténde, prospere procéde, et regna. Afferéntur. Glória Patri. Afferéntur.

In III Nocturno Homilia in Evangel. Simile erit regnum cælórum decem virgínibus, de Communi 1 loco.

#### IX Lectio de Homilia Feriæ

#### AD LAUDES

**℣.** Diffúsa est grátia in lábiis tuis. **℞.** Proptérea benedíxit te Deus in ætérnum.

**Ad Magnif. Ant.** Simile est regnum cælórum \* hómini negotiátóri quærénti bonas margarítas: invénta una pretiósá, dedit ómnia sua, et comparávit eam.

#### Oratio

**D**EUS, qui beátæ Cunegúndi Vírgini tuæ terréna despícere, et ad cæléstis impérii culmen anheláre tribuísti: concéde, quæsumus; ut ejus imitatióne calcátis mundi illécebris, ad gáudia ætérna secúri perveníre valeámus. Per Dóminum nostrum.

Et fit Com. Feriæ.

#### IN II VESPERIS

**℣.** Diffúsa est grátia in lábiis tuis. **℞.** Proptérea benedíxit te Deus in ætérnum.

**Ad Magnif. Ant.** Veni, Sponsa Christi, \* áccipe corónam, quam tibi Dóminus præparávit in ætérnum.

Et fit Com. sequentis:

**Ant.** Similábo eum viro sapiénti, qui ædificávit domum suam supra petram.

**℣.** Amávit eum Dóminus, et ornávit eum. **℞.** Stolum glóriæ índuit eum.

#### Oratio

**D**EUS, qui inter regáles delicias et mundi illécebras sanctum Casimírum virtúte constántiæ roborásti: quæsumus; ut ejus intercessióne fidéles tui terréna despícant, et ad cæléstia semper aspírent.

Deinde post Com. Feriæ Com. S. Lucii I Papæ et Mart.:

**Ant.** Iste Sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam

petram.

**℣.** Glória et honóre coronásti eum, Dómine. **℞.** Et constituísti eum super ópera mánuum tuárum.

### Oratio

**D**EUS qui nos beáti Lucii Martyris tui atque Pontíficis annua solemnitate lætificas: concede propítius; ut cujus natalícia cólimus, de ejúsdem étiam protectione gaudeámus. Per Dóminum.

Die 6 Martii

S. Fridolini **Confessoris**

### Duplex

**℣.** Amávit eum Dóminus, et ornávit eum. **℞.** Stulam glóriæ ín-duit eum.

**Ad Magnif. Ant.** Similabo eum \* viro sapienti, qui ædificávit domum suam supra petram.

### Oratio

**D**EUS, qui perfécte coram te ambulántibus protéctor es et merces magna nimis: da nobis beáti Fridolíni Abbátis intercessióne et exémplo temporália despícere, et ad te tota mentis intentione festináre. Per Dóminum.

Et fit Com. Ss. Perpetuæ et Felicitatis Mm.:

**Ant.** Istárum est enim regnum cælórum, qui contempserunt vitam mundi, et pervenerunt ad præmia regni, et laverunt stolas suas in sángvine Agni.

**℣.** Glória et honóre coronásti eas, Dómine. **℞.** Et constituísti eas super ópera mánuum tuárum.

### Oratio

**D**A nobis, quæsumus, Dómine, Deus noster, sanctárum Márti-tyrum tuárum Perpétuæ et Felicitátis palmas incessábili devotióne venerári: ut, quas digna mente non póssumus celebráre, humilibus saltem frequentémus obséquijs. (Per Dóminum.)

Deinde Com. Feriæ.

In I Nocturno **Lectiones** Beátus vir, de **Communi Conf. non Pont. 1 loco.**

### In II Nocturno

#### Lectio iv



**F**RIDOLÍNUS, in Hibernia nóbili génere ortus, jam a juventúte sciéntia ac pietáte elúxit. Sacerdotío insignítus et máxime egrégiis án-

imi dótibus præditus, verbum Dei cum tanta eloquéntia et cum tanto ómnium appláusu prædicábat, ut præcípui honóribus propter suam artis oratóriæ perítiam afficerétur. Ast celebritátem humilitáti postpónens, divítias et omnem sæculi pompam spernens, opes patérnas inter cognátos, páuperes et ecclésiás divísit, sicque sponte pauper factus, pátriam reliquit et in Gálliam sese cóntulit.

**R̄.** Honéstum fecit illum Dóminus, et custodívit eum ab inimicis, et a seductóribus tutávit illum: \* Et dedit illi claritátem ætérnam.

**V̄.** Justum dedúxit Dóminus per vias rectas, et osténdit illi regnum Dei. **Et.**

#### Lectio v

**I**BI váriis in locis cum ingénti zelo verbum Dei annuntiándo, multos in virtúte firmávit, multos ad pœniténtiam vocávit, plúrimos ad veri Dei notítiam et cultum perdúxit. Tandem in Pictávii subúrbiis cónstitit, ubi monastérii sancti Hiláarii eléctus fuit Abbas. In rudéribus ecclésiæ suæ ossa

magni Hiláarii detéxit, éaque in ecclésia, quam delápsam una cum monastério instaurávit, honóricè recóndidit.

**R̄.** Amávit eum Dóminus, et ornávit eum: stolam glóriæ índuit eum, \* Et ad portas paradísi coronávit eum. **V̄.** Índuit eum Dóminus lorícám fidei, et ornávit eum.

**Et.**

#### Lectio vi

**C**ARITÁTIS igne consúptus Pictávium reliquit, plures Gálliaé provincias lustrávit, quasi tuba exáltans vocem suam, verbi Dei indeféssus præco. Vária in váriis locis templa et monastéria struxit. In Alsátia quoque et ípsamet civitáte Argentína, quam máxime Dei glóriæ et animárum salúti operátus fidei propagátor, demum in Séckingen, Rheni ínsula prope Basiléam, in fínibus Suévie, consédit, ubi in honórem sancti Hiláarii templum et duplex monastérium, álterum pro mónachis et álterum pro moniálibus, constituit, ea sapientíssime rexit, et ibi circa annum quingentésimum trigésimum octávum post



Christum natum sanctissime in Dómino obdormívit.

**℞.** Iste homo perfécit ómnia quæ locútus est ei Deus, et dixit ad eum: Ingrédere in réquiem meam:

\* Quia te vidi justum coram me ex ómnibus géntibus. **℣.** Iste est, qui contémpsit vitam mundi, et pervénit ad cæléstia regna. **Quia.** Glória Patri. **Quia.**

### In III Nocturno

Léctio sancti Evangélii secúndum  
Mattæum

Lectio vii                      Cap. 24, 42-47

**I**N illo témpore: Dixit Petrus ad Jesum: Ecce nos reliquimus ómnia et secúti sumus te; quid ergo erit nobis? Et réliqua.

Homília sancti Hilárii Epíscopi

Can. 20.



**A**PÓSTOLI dictis Dómini hæc reddunt: reliquísse se ómnia et cum ipso esse. Quibus Dóminus, cum séderit in majestátis suæ sede, sessúros super sedes duódecim ac tótidem tribus Israël judicatúros spóndit, omnibúsqe qui uni-

vérta relíquerint propter nomen ejus, fructum céntupli præmii reservátum, multos autem ex novísimis primos futúros et ex primis futúros novísimos. Multa sunt, quæ non sinunt nos símplici intel- léctu dicta evangélica suscipere.

**℞.** Iste est, qui ante Deum magnas virtútes operátus est, et omnis terra doctrína ejus repléta est: \* Ipse intercédát pro peccátis óm- nium populórum. **℣.** Iste est, qui contémpsit vitam mundi, et per- vénit ad cæléstia regna. **Ipse.**

### Lectio viii

**I**NTERPÓSITIS nonnúl- lis rebus, quæ ex natúra humáni sensus sibi contrária sunt, ratió- nem quærere cæléstis intelligé- tiæ admonémur. Apóstoli dicunt et sequi se Christum, et se ómnia reliquísse. Quómodo ígitur fi- unt tristes, et quómodo métuunt, dicétes salvum esse néminem posse? Namque et ab áliis fieri póterat, si quid fecísset ipsi. Deínde cum fecísset, quare me- tus, vel unde suscéptus est? Addi- tur étiam in responsióne Dómini, hæc apud hómines impossíbilia,

possibilia apud Deum. Numquid apud homines impossibilia erant, quæ et Apóstoli se fecisse gloriántur, et fecisse eos Dóminus agnóscit?

**R.** Sint lumbi vestri præcincti, et lucernæ ardentes in mánibus vestris: \* Et vos símiles homínibus exspectántibus dóminum suum, quando revertátur a núptiis. **Ps.** Vigiláte ergo, quia nescítis qua hora Dóminus vester ventúrus sit. **Et. Glória Patri. Et.**

#### IX Lectio de Homilia Feriæ.

#### AD LAUDES

**Ps.** Justum dedúxit Dóminus per vias rectas. **R.** Et osténdit illi regnum Dei.

**Ad Bened. Ant.** Euge, serve bone \* et fidélis, quia in pauca fuísti fidélis, supra multa te constítuam, intra in gáudium Dómini tui.

#### Oratio

**D**EUS, qui perfécte coram te ambulántibus protéctor es et merces magna nimis: da nobis beáti Fridolíni Abbátis intercessióne et exémplo temporália despícere, et ad te tota mentis inten-

tióné festináre. Per Dóminum.

**Et fit Com. Ss. Perpetuæ et Felicitatis Mm.:**

**Ant.** Istárum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

**Ps.** Glória et honóre coronásti eas, Dómine. **R.** Et constituísti eas super ópera mánuum tuárum.

#### Oratio

**D**A nobis, quæsumus, Dómine, Deus noster, sanctárum Mártiurum tuárum Perpétuæ et Felicitátis palmas incessábili devotióne venerári: ut, quas dignamente non póssumus celebráre, humílibus saltem frequentémus obséquiis. (Per Dóminum.)

**Deinde Com. Feriæ.**

**Vesperæ a Capitulo de sequenti, Com. præcedentis:**

**Ant.** Hic vir despíciens mundum et terréna, triúmphans, divítias cælo cóndidit ore, manu.

**Ps.** Justum dedúxit **et Oratio** Deus, qui perfécte, **ut supra.**

**Deinde Com. Ss. Perpetuæ et Felicitatis, ut supra ad Laudes**

**Postea Com. Feriæ.**

Die 15 Martii

S. Clementis Mariæ Hofbauer

**Confessoris Duplex**

Ÿ. Amávit eum Dóminus, et ornávit eum. R̄. Stulam glóriæ induit eum.

**Ad Magnif. Ant.** Similabo eum \* viro sapienti, qui ædificávit domum suam supra petram.

**Oratio**

**D**EUS, qui beátum Cleméntem Mariám miro fidei róbore et invictæ constántiæ virtúte decorásti: ejus méritis et exemplis fac nos, quæsumus, ita fortes in fide et caritaté fervéntes; ut præmia consequámur ætérna. Per Dóminum nostrum.

Et fit Com. Feriæ.

In I Nocturno **Lectiones** Beátus vir, de **Communi Conf. non Pont. 1 loco.**

**In II Nocturno**

**Lectio iv**



**C**LEMENS Mariá Hófbauer Tassovítii in Morávia natus, a prima ætáte in schola christiánæ perfectiónis eruditus est; magístra potíssimum religiosíssima matre, quæ puéru-

lum post patris óbitum, osténsa Christi Dómini e cruce pendéntis imágine, sic allocúta fertur: En fili, qui hinc in pósterum tibi futúrus est pater, cura ut per eam, quæ ipsi placet, viam incédas. Adoléscentis pistóriam artem didicit; sed ad majóra se vocári præséntiens cœpit inter laboriöse artis exercítium ad stúdiúm incúmbere litterárum. Bis Romam pedes ad límina Apostolorum peregrinátus est, bis étiam rerum cæléstium contemplatióni libérius vacáturus in erémum secéssit. Verum Deo illum ad altióra vocánte, intermíssa litterárum stúdia in Vindobonénsi Universitaté repétiit navitérque prosecútus est; donec ex purióre fonte sacras disciplínas hausturus Romam tértium remigrávit. Ibi in sancti Alfónsi. famíliam singulári Dei providéntia cooptátus est,quam ipsíus ópera in díssitas regiónes propagátum iri sanctus idem Parens divíno instíntu præsénsit ac palam prænuntiávit.

R̄. Honéstum fecit illum Dóminus, et custodívit eum ab inimícis, et a seductóribus tutávit illum:

\* Et dedit illi claritatem æternam.  
 Ṽ. Justum deduxit Dominus per  
 vias rectas, et ostendit illi regnum  
 Dei. Et.

### Lectio v

**A**BSOLÚTO cum magno spíri-  
 tus fervóre tirocínio ac prés-  
 byter factus, in septentrionáles  
 Európæ provincias a Sede Apos-  
 tólica missus est. Erécto Varsáviæ  
 in Polónia primo suæ Congre-  
 gationis domicílio, et plúribus  
 sibi adjúntis sóciis, incredibile  
 est, quam copióso ibi fructu sacer-  
 dotália múnera ultra vicénnium  
 expléverit; nihil labóris recúsans,  
 sive ut cathólicos ad bonos mores  
 et pietátis cultum revocáret, sive  
 ut hæréticos et Judæos ad veram  
 fidem addúceret. Multa étiam  
 ad religiósam juventútis institu-  
 tionem præstitit. Orphanórum  
 sortem miserátus eréxit hos-  
 pítium, ubi misérrimos quosque  
 patérna caritáte alébat; visus sub-  
 índé stipem eórum causa emen-  
 dicáre, imo nec fáciem ab in-  
 crepántibus et in se conspuén-  
 tibus avértere. Inter has autem  
 curas semper coram Deo ám-  
 bulans, Deíparæ Vírgini, cujus

Rosárium assídue recitábat, sin-  
 gulariter devótus, rectus, sim-  
 plex, húmilis, cunctis affábilis et  
 benígnus, ómnibus velut sanc-  
 titátis exémpplar júgiter prelúxit.

Ṛ. Amávit eum Dóminus, et  
 ornávit eum: stolam glóriæ induit  
 eum, \* Et ad portas paradísi coro-  
 návit eum. Ṽ. Índuit eum Dómi-  
 nus lorícam fidei, et ornávit eum.  
 Et.

### Lectio vi

**D**E O oli confisus, plures in-  
 stitúti sui domus váriis in  
 regiónibus eréxit. Ipse vero mul-  
 tas ob témporum iniquitatem  
 acerbitates perpéssus, et e Polónia  
 tandem cum suis expúl-  
 sus, secéssit Vindobónam, ubi  
 duódecim postrémis vitæ an-  
 nis ad Dei glóriam strénue op-  
 erári perseverávit. Præter sé-  
 dulam enim Sanctimoniálium  
 Virgínium curam totus in eo  
 fuit, ut prædicatióne verbi Dei,  
 sacraménti Pœniténtiæ adminis-  
 tratióne quam plúrimas a salute  
 dévias ánimas Christo lucrí-  
 fáceret. Quem caritátis ignem  
 tum sacerdotibus, tum máxime  
 seléctæ júvenum cohórti, quo-

rum complures suum Congregationi nomen dederunt, infundere adlaboravit. Illud autem indefessa sua opera consecutus est, ut languescentem populi fidem catholicumque spiritum, non parum illa aetate imminutum, corroboraret; talique successu etiam in Archidioecesi Friburgensi in parochiis Triberg et Jestetten laboravit; dignus propterea, quem Pius septimus virum apostolicum, Vindobonensis cleri decus Ecclesiaeque columen appellaret. Meritis tandem plenus et prodigiorum aliorumque caelestium charismatum munere illustris, septuagenarius obdormivit in Domino, Idibus Martiis, anno millésimo octingentesimo vigésimo. Eum Leo decimus tertius miraculis clarum Beatorum catalogo, Pius vero decimus novis fulgentem signis Sanctorum fastis accensuit.

**R.** Iste homo perfecit omnia quae locutus est ei Deus, et dixit ad eum: Ingrederere in requiem meam:  
\* Quia te vidi justum coram me ex omnibus gentibus. **V.** Iste est, qui contempsit vitam mundi, et

pervenit ad caelestia regna. **Quia.** Glória Patri. **Quia.**

In III Nocturno Lectiones de Homilia in Evang. Nolite timere, de Communi Conf. non Pont. 2 loco.

IX Lectio de Homilia Feriae.

#### AD LAUDES

**V.** Justum deduxit Dominus per vias rectas. **R.** Et ostendit illi regnum Dei.

**Ad Bened. Ant.** Euge, serve bone \* et fidelis, quia in pauca fuisti fidelis, supra multa te constituam, intra in gaudium Domini tui.

#### Oratio

**D**EUS, qui beatum Clementem Mariam miro fidei robore et invictae constantiae virtute decorasti: ejus meritis et exemplis fac nos, quaesumus, ita fortes in fide et caritate ferventes; ut praemia consequamur aeterna. Per Dominum nostrum.

Et fit Com. Ferae.

#### IN II VESPERIS

**V.** Justum deduxit Dominus per vias rectas. **R.** Et ostendit illi regnum Dei.

**Ad Magnif. Ant.** Hic vir despiciens mundum \* et terréna, triúmphans, divítias cælo cóndidit ore, manu.

Et fit Com. Feriæ.

---



---

## FESTA APRILIS

---

Die 21 Aprilis  
S. Conradi a Parzham

**Confessoris Duplex**

Ÿ. Amávit eum Dóminus, et ornávit eum. (T. P. Allelúja.) **Ř.** Stolum glóriæ induit eum. (T. P. Allelúja.)

**Ad Magnif. Ant.** Similabo eum \* viro sapienti, qui ædificávit domum suam supra petram. (T. P. Allelúja.)

**Oratio**

**D**EUS, qui misericórdiæ tuæ jánuam fidélibus patére voluísti: te súpplīces exorámus; ut, intercedénte beáto Conrado Confessóre tuo, temporália subsidia nobis tríbuas et æténa. Per Dóminum nostrum.

Et fit Com. S. Anselmi Ep., Conf. et Eccl. Doct.

**Ant.** O Doctor óptime, Ecclésiæ sanctæ lumen, beáte Anselme, divínæ legis amátor, deprecáre pro nobis Fílium Dei. (T. P. Allelúja.)

Ÿ. Justum dedúxit Dóminus per vias rectas. (T. P. Allelúja.) **Ř.** Et osténdit illi regnum Dei. (T. P. Allelúja.)

**Oratio**

**D**EUS, qui pópulo tuo ætérynæ salútis beátum Anselmum mínistrum tribuísti: præsta, quæsumus; ut quem Doctórem vitæ habúimus in terris, intercessórem habére mereámur in cælis. Per Dóminum nostrum.

In I Nocturno, si dicendæ sint de Comuni, Lectiones Beátus vir, de Comuni Conf. non Pontificis 1 loco.

**In II Nocturno**

**Lectio iv**



**Q**ONRÁDUS, in ruráli prædio ad óppidum Parzham in diocési Passaviénsi, piis honestisque paréntibus natus, inde a púero modéstia et solitúdinis amóre, quanta futúrus esset sanctitáte, præ-

monstrávit. Mirus jam tum in eo elucébat devotiónis fervor, máxime cum in ecclésia oráret; quam longe sitam, neque itinere neque frígore frequentáre solébat. Summo erga beátam Vírginem amóre inflammátus, quotidie ejus Rosárium assídue iterábat, diebúsque festis persáepe ad remotióra ipsíus Deíparæ sanctuária pergébat: ex quibus pedéstribus peregrinatióibus, júgiter orándo susceptis, domum remeábat sub vésperum fere semper jejúnus. Integra juventúte in agrórum cultúra transácta, ut árctius Deo adhæreret eíque libérius famularétur, mundo valedícere státuit; quaprópter perámplo património abdicáto, annum agens primum supra trigésimum inter fratres láicos órdis Minórum Capucínórum adnumerári obtínuit.

**℞.** Honéstum fecit illum Dóminus, et custodívit eum ab inimícis, et a seductóribus tutávit illum:

\* Et dedit illi claritátem ætérnam.

**℣.** Justum dedúxit Dóminus per vias rectas, et osténdit illi regnum Dei. **Et.**

### Lectio v

**S**TATIM ab emíssa professióne, ad sanctæ Annæ convéntum civitátis Vetoettingæ missus fuit; locus autem célebris est et frequentíssimus inter cétera Germánicæ diciónis Mariána sanctuária, ádeo ut plura fidélium centéna millia illuc síngulis annis convéniant. Ob tantum ad eándem civitátem concúrsum, perdifficile in cœnóbio evádit janitóris officium; quod Conrádus, cui hujúsmodi munus statim ab ejus advéntu fúerat demandátum, ad óbitum usque retínuit, et tamquam exémpli apostolátum explévit. Impiger in labóre, parcus in loquéndo, erga páuperes largus, in peregrínis excipiéndis juvandisque promptus, per annos quadragínta et ámplius ostiárii onus æquanímiter gessit, máximo incolárum et peregrínórum emoluméto, in ómnibus tum ánime tum córporis necessitátibus.

**℞.** Amávit eum Dóminus, et ornávit eum: stolam glóriæ índuit eum, \* Et ad portas paradísi coronávit eum. **℣.** Índuit eum Dómi-

nus lorícam fidei, et ornávit eum.  
Et.

### Lectio vi

**V**IRTÚTIBUS ómnibus præclárus, siléntium summópere adamávit. Per diem subsecíva témporis moménta insumébat in quodam tuguriolo, jánuæ propínquo, e quo sanctíssimam Eucharístiam invísere et adoráre póterat; de nocte vero horas subripiébat somno, quas in fratrum conditório vel in ecclésia oratióni dabat. Etsi consensúisset, quiéti numquam se trádidit, sed in labóribus piisque exercítiis ad extrémum usque perréxit. Revéra quadam die cum plúribus peregrinántium turmis satisfacísset, agnóvit córporis víribus prorsus destítui; ac tríduo post, undécimo Kaléndas Maji, obdormívit in Dómino, anno millésimo octingentésimo nonagésimo quarto, ætátis suæ septuagésimo quinto. Hunc Dei fámulum, heróicis virtútibus et miráculis clarum, Pius Papa undécimus anno millésimo nongentésimo trigésimo inter Beátos réttulit; novísque miráculis fulgéntem, quadrién-

nio post, idem Summus Póntifex Sanctórum fastis solémniter adscrípsit.

**R.** Iste homo perfécit ómnia quæ locútus est ei Deus, et dixit ad eum: Ingrédere in réquiem meam:  
\* Quia te vidi justum coram me ex ómnibus géntibus. **Ps.** Iste est, qui contépsit vitam mundi, et pervénit ad cæléstia regna. **Quia.** Glória Patri. **Quia.**

In III Nocturno Homilia in Evangel.  
Sint lumbi, de Communi 1 loco.

Pro S. Anselmo:

### Lectio ix

**A**NSÉLMUS, Augústæ Prætóriæ in finibus Itáliæ, nobílibus et cathólicis paréntibus natus, adolescens, pátria et bonis ómnibus derelíctis, in monastério Beccénsi órdinis sancti Benedícti emíssa regulári professióne, in lítteris et virtútibus assequéndis mirum in modum profécit. Régibus, episcopis veneratióni fuit, et sancto Gregório séptimo étiam accéptus, qui tunc, persecutióne agítatus, lítteras amoris plenas ad eum dedit, se et Ecclésiam eius oratiónebus



commédans. Defúnto Lanfráncō archiepíscopo Cantuaríensi, eius olim præceptóre, ad eiúsdem ecclésiæ régimen vocátus, verbo et exémplo, scriptis et concíliis celebrátis, prístinam pietátem et ecclesiásticam disciplínam redúxit. Sed cum mox Willélmus rex vi et minis iura Ecclésiæ usurpáre tentásset, ipseque invícte restitísset, bonórum diréptionem et exsílíum passus, Romam ad Urbánum secúndum se cóntulit. A quo honorífice excéptus et summis láudibus ornátus, in Barénsi concílio Spíritum Sanctum étiam a Filio procedéntem, contra Græcórū errórem, innúmeris Scripturárum et sanctorum Patrum testimóniis propugnávit. Post mortem Willélmi, ab Henríco rege eius fratre in Angliam revocátus obdormívit in Dómino.

Te Deum laudámus.

AD LAUDES

☩. Justum dedúxit Dóminus per vias rectas. (T. P. Allelúja.) **℞.** Et osténdit illi regnu Dei. (T. P. Allelúja.)

**Ad Bened. Ant.** Euge, serve bone \* et fidélis, quia in pauca fuísti fidélis, supra multa te constítuam, intra in gáudium Dómini tui. (T. P. Allelúja.)

**Oratio**

**D**EUS, qui misericórdiæ tuæ jánuam fidélibus patére voluísti: te súpplíces exorámus; ut, intercedénte beáto Conrado Confessóre tuo, temporália subsidia nobis tríbuas et æténa. Per Dóminum nostrum.

**Et fit Com. S. Anselmi:**

**Ant.** Euge, serve bone et fidélis, quia in pauca fuísti fidélis, supra multa te constítuam, dicit Dóminus. (T. P. Allelúja.)

☩. Amávit eum Dóminus, et ornávit eum. (T. P. Allelúja.) **℞.** Stulam glóriæ índuit eum. (T. P. Allelúja.)

**Oratio**

**D**EUS, qui pópulo tuo ætérnæ salútis beátum Anselmum mínistrum tribuísti: præsta, quæsumus; ut quem Doctórem vitæ habúimus in terris, intercessórem habére mereámur in cælis. Per Dóminum nostrum.

## IN II VESPERIS

☩. Justum dedúxit Dóminus per vias rectas. (T. P. Allelúja.) **R.** Et osténdit illi regnu Dei. (T. P. Allelúja.)

**Ad Magnif. Ant.** Hic vir despiciens mundum \* et terréna, triúmphans, divítias cælo cóndidit ore, manu. (T. P. Allelúja.)

Et fit Com. sequentis:

**Ant.** Lux perpétua lucébit Sanctis tuis, Dómine, et ætérnitas témporum, allelúja.

☩. Sancti et justi in Dómino gaudéte, allelúja. **R.** . Vos elégit Deus in hereditátem sibi, allelúja.

## Oratio

**B**EATÓRUM Mártyrum paritérque Pontíficum Sotéris et Caji nos, quæsumus, Dómine, festa tueántur: et eórum coméndet orátio veneránda. (Per Dóminum nostrum.)

Deinde Com. S. Anselmi:

**Ant.** O Doctor óptime, Ecclésiæ sanctæ lumen, beáte Ansélme, divínæ legis amátor, deprecáre pro nobis Fílium Dei. (T. P. Allelúja.)

☩. Amávit eum et **Oratio** Deus, qui pópulo, **ut supra.**

## Die 23 Aprilis

S. Georgii **Martyris**

In Diœcesi: **Semiduplex**

In urbe Friburgensi:

**Duplex majus**

☩. Sancti et justi in Dómino gaudéte, allelúja. **R.** . Vos elégit Deus in hereditátem sibi, allelúja.

**Ad Magnif. Ant.** Lux perpétua \* lucébit Sanctis tuis, Dómine, et ætérnitas témporum, allelúja.

## Oratio

**D**EUS, qui nos beáti Geórgii Mártyris tui méritis et intercessióne lætíficas: concéde propítius; ut qui tua per eum beneficia póscimus, dono tuæ grátiae consequámur. Per Dóminum nostrum.

Et fit Com. præcedentis:

**Ad Magnif. Ant.** Sancti et justi \* in Dómino gaudéte, allelúja: vos elégit Deus in hereditátem sibi, allelúja.

☩. Pretiósá in conspéctu Dómini, allelúja. **R.** Mors Sanctórum ejus, allelúja.

## Oratio

**B**EATÓRUM Mártyrum, paritérque Pontíficum Sotéris

et Caji nos, quæsumus Dómine, festa tueántur: et eórum coméndet orátio veneránda. Per Dóminum nostrum.

## In II Nocturno

### Lectio iv



**G**EÓRGIUS nobilibus paréntibus in Cappadócia natus, sancte ab illis et religiósè educátus est. Iis vita functis, adhuc adoléscent tribúnus militum factus, et áliis insignítus honóribus, sub Diocletiano Cæsare militávit. Verum cum ediíctis imperiálibus persecutióne in christiános cérneret ácrius desævire, id indígne ferens, opportunum quoque fore illud tempus existimans ad salutem et ad martýrii glóriam, facultátibus suis in páuperes erogátis servísque libertáte donátis, zelo fidei ac religiónis accénsus, imperatórem adit Christúmque verum Deum libere conféssus, ipsum de sua ímpia in christiános crudelitáte constánter accúsat.

**R̄.** Lux perpétua lucébit Sanctis tuis, Dómine, \* Et ætéritas témporum, allelúja, allelúja. **Ÿ.** Læti-

tia sempitérna erit super cápita eórum: gáudium et exsultatióne obtinébunt. **Et.**

### Lectio v

**A**DMIRÁTUS veheménter imperátor, quod Geórgius præter omnem opinióne christiános esset, primo blandis illum verbis ac magnis pollicitatióibus, deínde minis pœnarúmque teróribus a fidei senténtia conátur avértere. Sed cum nihil proficeret, nec ullo modo viri constántiam posset de pio et sancto propósito dimovére, jubet ipsum primo in cárcerem trudi ibíque diu afflígi: tum verbéribus cæsum, rota mucróribus obarmáta laniári, deínde torréri sartáGINE variéque torquéri. Quam ille tormentórum vim ubi álacri ac forti ánimo tulisset, ín deque incólumis mirábiliter evasisset, plúrimos suo exémplo ad fidei constántiam excitávit.

**R̄.** In servis suis, allelúja, \* Consolábitur Deus, allelúja. **Ÿ.** Judicábit Dóminus pópulum suum, et in servis suis. **Consolábitur.**

### Lectio vi

**I**MPIUS autem persecútor, cum lexímiam hujúsmodi Mártýris

fortitudinem non divínæ virtúti, sed mágicis ártibus adscríberet, ipsum várie tortum atque in senténtia nihilóminus persisténtem, secúri pércuti jubet. Geórgius ígitur fórtiter data cervíce, martýrii coróna decorátus est Nono Kaléndas Maji, anno salutis humánæ ducentésimo nonagésimo. Córporis ejus reliquiæ diversas in regiónés delátæ, máximo ab incolis habéntur honóre. Caput Romæ in Diaconía sancti Geórgii ad Velábrum honorífice asservátur; et ipsíus Mártiris nomen non solum in Oriénte, ubi passus est, sed et in occídúis oris ubique claríssimum est. Antiquiórem inprímis intra Galliárum æque ac Germániæ fines nóminis ejus veneratiónem testántur tum cænóbia multa, tum innúmeræ fere parochiáles ecclésiæ, quæ passim sub ejus invocatióne, plúribus abhinc sæculis Deo dicátæ deprehendúntur.

**R̄.** Fíliæ Jerúsalem, veníte et vidéte Mártires cum corónis, quibus coronávit eos Dóminus \* In die solemnitátis et lætítiæ, allelúja. **V̄.** Quóniam confortávit

seras portárum tuárum, benedíxit filios tuos in te. **In. Glória. In.**

### In III Nocturno

Léctio sancti Evangélii secúndum Joánnem

Lectio vii

Cap. 15, 1-7

**I**N illo témpore: Dixit Jesus discípulis suis: Ego sum vitis vera: et Pater meus agricola est. Et reliqua.

De Homilía sancti Augustíni  
Epíscopi

Tractatus 80 in Joannem



**L**ÉNIQUE cum de Patre, tamquam de agricola dixisset, quod infructuosos pálmites tollat, fructuosos autem purget, ut plus áfferant, fructum, contínuo étiam se ipsum mundatórem pálmitum osténdens: Jam vos inquit, mundi estis propter sermónem, quem locútus sum vobis. Ecce, et ipse mundátor est pálmitum, quod est agricolæ, non vitis officium, qui étiam pálmites operários suos fecit: nam etsi non dant increméntum, impédunt

tamen aliquod adjumentum, sed non de suo: quia sine me, inquit, nihil potestis facere.

**R̄.** Ego sum vitis vera, et vos palmites: \* Qui manet in me, et ego in eo, hic fert fructum multum, allelúja, allelúja. **Ÿ.** Sicut dilexit me Pater, et ego dilexi vos. Qui.

### Lectio viii

**A**UDI étiam ipsos confitentes: Quid autem est Apóllo? quid autem Paulus? Ministri, per quos credidistis, et unicuique sicut Dóminus dedit. Ego plantávi, Apóllo rigávit. Et hoc ergo, sicut unicuique Dóminus dedit. Non itaque de suo. Jam vero quod séquitur: Sed Deus incrementum dedit; non per illos, sed per seipsum facit. Excédit hoc humánam humilitátem, excédit angélicam sublimitátem: nec omnino pértinet, nisi ad agricolam Trinitátem.

**R̄.** Cándidi facti sunt Nazaræi ejus, allelúja: splendórem Deo dedérunt, allelúja: \* Et sicut lac coaguláti sunt, allelúja, allelúja. **Ÿ.** Cándidióres nive, nitidióres lacte, rubicundióres ébore

antíquo, sapphíro pulchrióres. **Et.** Glória. **Et.**

### Lectio ix

**J**AM vos mundi estis: mundi scilicet, atque mundandi: neque enim nisi mundi essent, fructum ferre potuissent. Et tamen omnem qui fert fructum, purgat agricola, ut fructum plus áfferat. Fert fructum, quia mún- dus est: atque ut plus áfferat, purgátur adhuc. Quis enim est in hac vita sic mundus, ut non sit magis magisque mundándus? Ubi si dixerimus, quia peccátum non habémus, nos ipsos sedúcimur, et véritas in nobis non est. Mundet itaque mundos, hoc est fructuosos, ut tanto sint fructuosióres, quanto fúerint mundióres

**Te Deum laudámus.**

### AD LAUDES

**Ÿ.** Pretiósá in conspéctu Dómini, allelúja. **R̄.** Mors Sanctórum ejus, allelúja.

**Ad Bened. Ant.** Filiæ Jerúsalem, \* veníte et vidéte Mártyres cum corónis, quibus coronávit eos Dóminus in die solemnitátis et lætitiæ, allelúja, allelúja.

## Oratio

**D**EUS, qui nos beáti Geórgii Mártiris tui méritis et intercessióne lætíficas: concéde propítius; ut qui tua per eum beneficia póscimus, dono tuæ grátiae consequámur. Per Dóminum nostrum.

In Diócesi Vesperæ de sequenti, Com. præcedentis:

Ad Magnif. Ant. Sancti et justi \* in Dómino gaudéte, allelúja: vos elégit Deus in hereditátem sibi, allelúja.

Ÿ. Pretiósá, et Oratio Deus, qui nos, ut supra.

In urbe Friburgensi in Vesperis Com. sequentis:

Ant. Lux perpétua lucébit Sanctis tuis, Dómine, et ætérnitas témporum, allelúja.

Ÿ. Sancti et justi in Dómino gaudéte, allelúja. R̄. . Vos elégit Deus in hereditátem sibi, allelúja.

## Oratio

**D**EUS, qui beátum Fidélem Seráphico spíritus ardóre succénsum in veræ fidei propagatione martýrii palma et gloriósis miráculis decoráre dignátus

es: ejus, quæsumus, méritis et intercessióne, ita nos per grátiam tuam in fide et caritáte confírma; ut in servítio tuo fidéles usque ad mortem inveníri mereámur. Per Dóminum nostrum.

---

Die 24 Aprilis

In territorio Hohenzollerano:  
S. Fidelis a Sigmaringa  
Martyris Duplex majus  
Omnia ut in Breviario hac die.

---

Die 26 Aprilis

S. Trudperti Martyris  
Duplex

Ant. Lux perpétua lucébit Sanctis tuis, Dómine, et ætérnitas témporum, allelúja.

Ÿ. Sancti et justi in Dómino gaudéte, allelúja. R̄. . Vos elégit Deus in hereditátem sibi, allelúja.

## Oratio

**P**RÆSTA quæsumus omnipotens Deus: ut intercedénte beáto Trudperto Mártire tuo, et a cunctis adversitatibus liberémur in córpore, et a pravis cogitationibus mundémur in mente. Per Dóminum nostrum.

Et fit Com. Ss. Cleti et Marcellini  
Pontificum et Martyrum:

**Ant.** Filiæ Jerúsalem, veníte et vidéte Mártyres cum coronis, quibus coronávit eos Dóminus in die solemnitatís et lætitiæ, allelúja, allelúja.

✠. Pretiósá in conspéctu Dómini, allelúja. **R.** Mors Sanctórum ejus, allelúja.

### Oratio

**B**EATÓRUM Mártyrum, parítérque Pontificum Cleti et Marcellíni nos, Dómine, fóveat pretiósá conféssio: et pia júgiter intercésio tueátur. Per Dóminum nostrum.

### In II Nocturno

#### Lectio iv

**T**RUDPÉRTUS géneré Scótu regíaque stirpe proféctus, religiósni causa, Theodóro post Joánnem hoc nómine quartum Pontífice Máximo, Romam divíno amóre incénsus se cóntulit, ubi ómnia urbis loca sanctitaté conspicua circúmiens, flagrantíssimo pietátis afféctu venerabátur.

Inde in pátriam rédiens, quam vitæ suæ ratióne institúeret, eo in itinere sério cogitáre cœpit. Et vero magni illíus Patriárchæ Abrahæ exéplum sequi decérnens, ómnibus hujus sæculi divitiis, propínquis patrióque solo ob Christi amórem relictis, in solitárium quemdam Brisgójæ locum contemplatióni aptíssimum, impetráta ab Othbérto Habsburgénsis familiæ, dómno loci, licéntia habitánda, se recépit; ubi in hunc usque diem monastérium ejus nómine insignítum invísitur.

**R.** Lux perpétua lucébit Sanctis tuis, Dómine, \* Et ætérnitas témporum, allelúja, allelúja. ✠. Lætitia sempitérna erit super cápita eórum: gáudium et exsultatióne obtinébunt. **Et.**

#### Lectio v

**O**THBÉRTO, a quo prædíctum locum dono accéperat, ob ejus singuláres virtútes carus mirum in modum fuit, quinímo auxiliis opibúque ejus adjútus, monastérium ibídem constrúxit. Tanta autem humilitate præditus díctur, ut iis, qui in ædificiis con-

struendo operam dabant, ministrare non erubuerit. Orationi instanter vacabat, castitatem perpetuo coluit, jejuniis vigiliisque corpus macerare non desistebat, mentem divinis contemplationibus assidue exercebat. Hoc praeter cetera habuit, ut Dei amore repleri vehementissime sitiret. Ecclesiam praeterea suis manibus ac laboribus magnis aedificare aggressus opere formaque notabili perfecit, quam Sanctorum Apostolorum Petri et Pauli nomine Martinus Constantiensis episcopus solemniter consecravit.

**R.** In servis suis, alleluja, \* Consolabitur Deus, alleluja. **V.** Judicabit Dominus populum suum, et in servis suis. **C**onsolabitur.

### Lectio vi

**Q**IBUS rebus feliciter confectis, humani generis hostis sanctissimum virum Trudpertum, insignem Christi militem, frequentius more suo ex insidiis aggressus, variis tentationibus oppugnabat; quas ille jejunio et oratione superabat, hisce pietatis

armis invictus. Advertens vero daemon se in eo vincendo operam perdere, timuit ne, si diu viveret hic Christi athleta, majores de ipso quotidie reportaret triumphos; ideo immisit in quorundam hominum scelestorum animos ejus interimendi consilium, quo induciti innocentissimum virum per insidias interfecerunt sexto Kalendas Maji, anno post Christum natum sexcentesimo quadragésimo tertio. Ejus corpus Othbertus honorifice (ut sanctum Martyrem decebat) sepeliendum curavit. Anno autem septingentesimo septuagesimo, cum ejus sanctissimam vitam ac miracula, qua cooperante Domino et ante et post martyrium multa edidit, diligenter Stephanus tertius, Pontifex Maximus cognovisset, solemniter illum in sanctorum Martyrum numerum retulit.

**R.** Filiae Jerusalem, venite et videte Martyres cum coronis, quibus coronavit eos Dominus \* In die solemnitatis et laetitiae, alleluja. **V.** Quoniam confortavit seras portarum tuarum, benedixit filios tuos in te. **In.** Gloria. **In.**



## In III Nocturno

Lectio sancti Evangelii secundum  
Joannem

Lectio vii Cap. 15, 1-7

**I**N illo tempore: Dixit Jesus discipulis suis: Ego sum vitis vera: et Pater meus agricola est. Et reliqua.

De Homilia sancti Augustini  
Episcopi

Tractatus 81 in Joannem



**I**TEM se dixit esse Jesus, et discipulos suos palmites, et agricolam Patrem: unde jam pridem, sicut potuimus, disputatum est. In hac autem lectione, cum adhuc de seipso, qui est vitis, et de suis palmibus, hoc est discipulis, loqueretur: Manete, inquit, in me et ego in vobis: non eo modo illi in ipso, sicut ipse in illis. Utrumque autem prodest non ipsi, sed illis: ita quippe in vite sunt palmites, ut viti non conferant, sed inde accipiant unde vivant; ita vero vitis in palmibus, ut vitale alimentum subministret eis, non sumat ab eis.

**R̄.** Ego sum vitis vera, et vos palmites: \* Qui manet in me, et ego in eo, hic fert fructum multum, allelúja, allelúja. **Ÿ.** Sicut dilexit me Pater, et ego dilexi vos. **Qui.**

Lectio viii

**A**c per hoc, et manentem in se habere Christum, et manere in Christo, discipulis prodest utrumque, non Christo. Nam praeciso palmitate, potest de viva radice alius pullulare; qui autem praecisus est, sine radice non potest vivere. Denique adjungit, et dicit: Sicut palme non potest ferre fructum a semetipso, nisi manserit in vite: sic nec vos, nisi in me manseritis. Magna gratiae commendatio, fratres mei: corda instruit humilium, ora obstruit superborum.

**R̄.** Candidi facti sunt Nazaræi ejus, allelúja: splendorem Deo dedérunt, allelúja: \* Et sicut lac coagulati sunt, allelúja, allelúja. **Ÿ.** Candidiores nive, nitidiores lacte, rubicundiores ebore antiquo, sapphiro pulchriores. **Et.** **Gloria. Et.**

## Lectio ix

**E**CCE cui, si audent, respóndent, qui ignorántes Dei justítiam, et suam voléntes constitúere, justítiae Dei non sunt subjécti. Ecce cui respóndent, sibi placéntes, et ad bona ópera faciéndam Deum sibi necessárium non putántes? Nonne huic resístunt verítati, hómines mente corrúpti, réprobi circa fidem, qui respóndent, et loquúntur iniquitátem, dicéntes: A Deo habémus, quod hómines sumus; a nobis ipsis autem, quod justí sumus? Hæc sunt inánia præsumptiónis vestrae: et si est in vobis ullus sensus, horréte: qui enim a semetípso se fructum existimat ferre, in vite non est; qui in vite non est, in Christo non est.

Te Deum laudámus.

## AD LAUDES

Ÿ. Pretiósa in conspéctu Dómini, allelúja. **R.** Mors Sanctórum ejus, allelúja.

**Ad Bened. Ant.** Filiæ Jerúsalem, \* veníte et vidéte Mártyres cum corónis, quibus coronávit eos Dóminus in die solemnitátis et lætítiae, allelúja, allelúja.

## Oratio

**P**RÆSTA quæsumus omnipotens Deus: ut intercedénte beáto Trudpérto Mártyre tuo, et a cunctis adversitatibus liberémur in corpore, et a pravis cogitátionibus mundémur in mente. Per Dóminum nostrum.

Et fit Commemoratio Ss. Cleti et Marcellini:

**Ant.** Lux perpétua lucébit Sanctis tuis, Dómine, et ætéritas témporum, allelúja.

Ÿ. Sancti et justí in Dómino gaudéte, allelúja. **R.** . Vos elégit Deus in hereditátem sibi, allelúja.

## Oratio

**B**EATÓRUM Mártyrum, paritérque Pontíficum Cleti et Marcellíni nos, Dómine, fóveat pretiósa conféssio: et pia júgiter intercésio tueátur. Per Dóminum nostrum.

Vesperæ de sequenti, Com. præcedentis.

Die 27 Aprilis

S. Petri Canisii **Confessoris**  
et Ecclesiæ Doctoris  
**Duplex II classis**

Omnia de Communi Confessoris

non Pontificis, præter ea, quæ in Bre-  
viario hac die habentur propria.

In I Vesperis fit tantum Commemo-  
ratio præcedentis:

Ad Magnif. Ant. Sancti et justi  
\* in Dómino gaudéte, allelúja: vos  
elégit Deus in hereditátem sibi, al-

lelúja.

Ÿ. Pretiósá et Oratio Præsta,  
quæsumus, ut supra.

Lectiones I Nocturni Sapiéntiam, de  
Communi Doctorum.

In II Vesperis fit tantum Commemo-  
ratio sequentis.

FERIA IV INFRA HEBDOM. IV POST OCTAVAM PASCHÆ

## In Dedicatione Ecclesiæ Cathedralis

DUPLEX I CLASSIS CUM OCTAVA COMMUNI

Omnia de Communi Dedicationis  
Ecclesiæ, præter sequentia:

Lectio vi  
(ex publicis documentis)



EMPLUM hoc, mirífi-  
cum opus artis góthicæ,  
per tria fere médii ævi  
sæcula, tam regnántium quam  
cívium sédula cura, largitió-  
nibus, labóribus exstrúctum,  
sub die quarta et quinta  
Decémbris, anni millésimi  
quingentésimi décimi tértii,  
fuit Deo dedicátum in honórem  
Dóminæ Nostre in cælum Assú-  
mptæ, Ded-

icatiónis autem Festum póstea  
celebrándum per Guliélmum  
Cardinálem, apostólicæ Sedis  
Legátum, Dóminicæ quintæ  
post Pascha affixum fúerat.  
Sed, témporum decúrsu, ob re-  
rum vicissitú-  
dines, suppressa  
Diocési Constantiénsi, in urbe  
Friburgénsi Archiepiscopális et  
Metropolitána Sedes erécta est,  
atque ita ista Ecclésiá, nobilitáte  
et pulchritú-  
dine in tota regione  
princeps, facta est cathedrális:  
quam Románi Pontífices spir-  
ituálibus grátiis et privilégiis  
auxérunt. Benedíctus vero Papa

décimus quintus ejus Dedicatiónis Anniversárium, ante diem Festum Ascensiónis Dómini Nostri, quotánnis in tota Diocési stáuit recoléndum. Grátias proinde omnipoténti Deo referámus, qui templa manufácta elégit et sanctificávit, ut nomen ejus esset ibi, eumque rogémus, ut omnes, qui huc deprecáturi convénerint, intercedénte beáta María Vírgine, consolatiónis grátiam consequántur.

*Infra Octavam et in die Octava Antiphonæ et Psalmi ad omnes Horas et Versus Nocturnorum de occurrenti Hebdomadæ die ut in Psalterio; reliqua ut in Festo præter Lectiones, quæ in 1 Nocturno dicuntur de Scriptura occurrenti cum suis Responsoriis de Tempore, in II et III in Communi singulis diebus assignantur propriæ.*

---

Feria IV sequenti  
In Octava Dedicatiónis  
Ecclesiæ Cathedralis

### Duplex majus

*Pro utentibus Breviario antiquo Lectiones III Nocturni de Feria IV infra Octavam.*

Pro Vigilia Ascensionis:

### Lectio ix

Lectio sancti Evangelii secúndum  
Joánnem

Lectio vii Cap. 17, 1-11

**I**N illo témpore: Sublevátis Jesus óculis in cælum, dixit: Pater, venit hora, clarífica Fílium tuum. Et réliqua.

De Homilía sancti Augustíni  
Epíscopi

Tractus 104 in Joannem, sub med.

**P**ÓTERAT Dóminus noster, unigénitus et coætérnus Patri, in forma servi, et ex forma servi, si hoc opus esset, oráre siléntio: sed ita se Patri exhibére vóluit precatórem, ut meminisset nostrum se esse doctórem. Proinde eam, quam fecit oratióem pro nobis, notam fecit et nobis: quóniam tanti magístri non solum ad ipsos sermocinatio, sed étiam pro ipsis ad Patrem oratio, discipulórum est ædificatio: et si illórum, qui hæc dicta áderant auditóri, profécto et nostra, qui fuerámus conscripta lectóri.

Te Deum laudámus.

Ad Laudes fit Com. Vigiliæ Ascensionis:

**Ant.** Pater, venit hora, clarifica Fílium tuum claritáte quam hábui, priúsqvam mundus esset, apud te, allelúja.

☩. In resurrectione tua, Christe, allelúja. **Ř.** Cæli et terra læténtur, allelúja.

### Oratio

**D**EUS, a quo bona cuncta procedunt, largíre supplícibus tuis: ut cogitémus, te inspiránte, quæ recta sunt; et, te gubernánte, éadem faciámus. Per Dóminum nostrum.

Vesperæ de sequenti Festo Ascensionis sine ulla Commemoratione.

## FESTA MAJI

Die 16 Maji  
S. Joannis Nepomuceni  
Presbyteri et Martyris

### Duplex majus

☩. Sancti et justi in Dómino gaudéte, allelúja. **Ř.** . Vos elégit Deus in hereditátem sibi, allelúja.

Ad Magnif. **Ant.** Lux perpétua

\* lucébit Sanctis tuis, Dómine, et ætérnitas témporum, allelúja.

### Oratio

**D**EUS, qui ob invíctum beáti Joánnis sacramentále siléntium, nova Ecclésiám tuam martyrii coróna decorásti: da nobis ejus intercessióne et exémplo, linguam caute custodíre; ac ómnia pótius mala, quam animæ detriméntum, in hoc sáeculo toleráre. Per Dóminum nostrum.

Et fit Com. præcedentis:

**Ant.** Hic vir despíciens mundum et terréna, triúmphans, divítias cælo cóndidit ore, manu, allelúja.

☩. Justum dedúxit Dóminus per vias rectas, allelúja. **Ř.** Et osténdit illi regnum Dei, allelúja.

### Oratio

**D**EUS, qui, ad christiánam páuperum eruditiónem et ad juvenám in via veritátis firmándam, sanctum Joánnem Baptistam Confessórem excitásti, et novam per eum in Ecclésia famíliam collegísti: concéde propítius; ut ejus intercessióne et exémplo, stúdio glóriæ tuæ in animárum salute fervéntes, ejus in cælis

corónæ participes fieri valeámus.  
(Per Dóminum nostrum.)

**Deinde Com. S. Ubaldi Ep. et Conf.:**

**Ant.** Sacerdos et Póntifex, et virtútum ópifex, pastor bone in pópulo, ora pro nobis Dóminum, allelúja.

**Ÿ.** Amávit eum Dóminus, et ornávit eum, allelúja. **Ř.** Stulam glóriæ induit eum, allelúja.

### Oratio

**A**UXÍLIUM tuum nobis, Dómine, quæsumus, placátus impénde: et, intercessióne beáti Ubáldi Confessorís tui atque Pontíficis, contra omnes diaboli nequítias déxteram super nos tuæ propitiatiónis exténde. Per Dóminum nostrum.

### In II Nocturno

#### Lectio iv

**I**OÁNNES Nepomúci Bohémíæ óppido, unde Nepomucéni cognómen duxit, a paréntibus ætáte provéctis, non sine futúráe sanctitátis præságio, flammis supra nascéntis domum mirábiliter colucéntibus, ortus est. Cum in-

fans in gravem morbum incidisset, beátæ Vírginis ope, cui natum paréntes referébant accéptum, e vitæ perículo evásit incólumis. Egrégia índole, piáque institutióne cæléstibus indíciis obsequénte, inter sanctas religiosásque exercitatiónes puerítiam egit; nam ecclésiám frequénter adíre, ac sacerdotibus ad aras operántibus ministráre in delíciis habébat. Zatécii politióribus líteris ad humanitátem informatus, Pragæ vero gravióribus disciplínis excúltus, philosophiæ theológiæ, sacrorúmque cánonum magistérium et láuream eméruit. Sacerdotío initiátus, atque a Sciéntia Sanctórum ad lucra animárum rite comparátus, ministério verbi Dei se pénitus addíxit. Cum igitur in vítiis exstirpándis, et revocándis in viam salutis errántibus, eloquéntia et pietáte úberes éderet fructus, inter canónicos metropolitánæ ecclésiæ Pragénsis cooptátus, mox sibi demandátam Evangélii coram rege Wencesláo quarto prædicándi provínciam suscepit, eo succéssu, ut Joánnis suásu multa rex fáceret,

magnóque in honóre ejus virtútes habéret. Conspícuas tamen, quas ille óbtulit dignitátes, Dei servus, ne a divíni verbi præcónio avocarétur, constantíssime recusávit.

**℞.** Lux perpétua lucébit Sanctis tuis, Dómine, \* Et æternitas témporum, allelúja, allelúja. **℣.** Lætitia sempitérna erit super cápita eórum: gáudium et exsultatióem obtinébunt. **Et.**

#### Lectio v

**R**ÉGIS illum eleemósynis in páuperes erogándis præféc-tum Joáanna regína consciéntiæ sibi moderatórem ascívit. Cum autem Wencesláus ab officio institutóque decessísset, atque in vítia præceps abriperétur, piæ; autem cónjugis obtestatiónes et mónita graváte ferret, conténdere ausus est, ut in sacramentáli judício sacerdoti crédita regínæ arcána sibi a Joánne panderéntur. At Dei mínister blandítiis primum, torméntis deínde et cárceris squalóre tentátus, nefárice regis cupiditáti fórtiter óbstitit. Furéntem tamen Wenceslái ánimum cum ab exsecrándo propósito nec humána, nec di-

vína jura deterrérent, suprénum agónem, quem instáre sibi athléta Christi nóverat, pópulo in contióne de impendéntibus étiam regni calamitátibus admónito, non obscúre prænuntiávit. Mox Bolesláviam profécus, ad beátæ Vírginis imáginem antíquo cultu célebrem, cæléste præsidium ad certándum bonum certámen effúsis précibus implorávit. Inde véspere reverténtem in pervigilio Domínicæ Ascensiónis rex e fenéstra conspicátus arcéssit; cumque veheméntius urgéret, et próximam in aquis, si obluctári pérgeret, submersiónem intentáret, Joáannes invícta constántia terróres mínasque refutávit. Itaque regis império in Moldávam flumen Pragam intérfuens noctu dejéctus, illústrem mártýrii corónam est consecútus.

**℞.** In servis suis, allelúja, \* Consolábitur Deus, allelúja. **℣.** Judicábit Dóminus pópulum suum, et in servis suis. **Consolábitur.**

#### Lectio vi

**S**ACRÍLEGUM fácinus clam patrátum, et Mártýris glóriam insigne prodígium divinitus

patefecit. Ubi enim exánime corpus secúndo flúmine vehi cœpit, ardéntes faces aquis supernatántes et discurréntes apparuérunt. Quam ob rem ex aréna postrídie mane corpus elátum, canónici deinde, regis iram nihil tíméntes, in metropolitánam ecclésiám solémni pompa intulérunt, et sepultáre mandárunť. Cum autem in dies invícti sacerdotís memória miráculis, et máxima fidélium eórum præcipue qui fama periclitántur, veneratióne crésceret, post annos demum ámplius trecéntos, in jurídica recognitióne córporis, quod sub humo támdiú jacúerat, lingua ejus incorrúpta et vívida repérta est: quæ sexto post anno judícibus a Sede apostólica delegátis exhibita, novo prodígio repente intúmuit, et subobscúrum rubórem in purpúream commutávit. His itaque aliisque signis rite probátis, Benedictus décimus tértius Póntifex Máximus die décima nona mensis Mártii, anno salutis millésimo septingentésimo vigésimo nono, primum hunc sacramentális sigilli

assertórem, arcáni fidem sánguine obsignántem, sanctorum Mátyrum catálogo adscrípsit.

**R.** Filiæ Jerúsalem, veníte et vidéte Mátyres cum coronis, quibus coronávit eos Dóminus \* In die solemnitátis et lætitiæ, allelúja. **V.** Quóniam confortávit seras portárum tuárum, benedíxit filios tuos in te. **In. Glória. In.**

### In III Nocturno

Lectio sancti Evangélii secúndum Matthæum

**Lectio vii** **Cap. 10, 26-32**

**I**N illo témpore: Dixit Jesus discípulis suis: Nihil est opértum, quod non revelábitur; et occúltum, quod non sciétur. Et réliqua.

De Homilía sancti Hilárii  
Epíscopi

**Comment. in Matthæum, can. 10,  
post medium**



**D**ÓMINUS diem judícii osténdit, quæ abstrúsam voluntátis nostræ consciéntiam prodet: et ea quæ nunc occúlta exstimántur, luce cognitiónis públicæ déteget. Igitur non minas, non consília, non



potestates insectantium monet esse metuendas: quia dies iudicii nulla hæc fuisse, atque inania revelabit. Et quod dico vobis in tenebris, dicite in lumine: et quod in aure auditis, prædicæ super tecta. Non legimus Dóminum solitum fuisse noctibus sermocinari, et doctrinam in tenebris tradidisse: sed quia omnis sermo ejus carnalibus tenebræ sunt, et verbum ejus infidelibus nox est.

**R̄.** Ego sum vitis vera, et vos palmites: \* Qui manet in me, et ego in eo, hic fert fructum multum, allelúja, allelúja. **Ÿ.** Sicut dilexit me Pater, et ego dilexi vos. Qui.

### Lectio viii

**I**TAQUE id quod a se dictum est, cum libertate fidei et confessionis vult esse loquendum. Idcirco quæ in tenebris dicta sunt prædicari jussit in lumine: ut quæ secreto aurium commissa sunt, super tecta, id est, excelsio loquentium præconio audiantur. Constantè enim Dei ingerenda cognitio est, et profundum doctrinæ evangelicæ secretum in

lumine prædicationis apostolicæ revelandum: non timentes eos, quibus cum sit licentia in corpora, tamen in animam jus nullum est: sed timentes potius Deum, cui perdendæ in gehenna et animæ et corporis sit potestas.

**R̄.** Cándidi facti sunt Nazaræi ejus, allelúja: splendorem Deo dedérunt, allelúja: \* Et sicut lac coagulati sunt, allelúja, allelúja. **Ÿ.** Candidiores nive, nitidiores lacte, rubicundiores ebore antiquo, sapphiro pulchriores. **Et.** Glória. **Et.**

Pro S. Ubaldo:

### Lectio ix

**U**BÁLDUS, Eugúbii in Umbria nobili genere natus, a primis annis pietate et litteris egregie est institutus; iamque adolescens, ut uxorem duceret, sæpe tentatus, nunquam tamen a proposito servandæ virginitatis recessit. Sacerdos effectus, patrimonium suum pauperibus et ecclesiis distribuit. Canonicorum regularium ordinis sancti Augustini institutum suscipiens, illud in patriam transtulit. Ab Honório

secúndo summo Pontífice ecclésiæ Eugubínæ invítus præficitur, et episcopális consecratiónis múnere decorátur. Factus forma gregis ex ánimo, de consuéta vivéndi ratióne nihil ádmodum immutávit, et in omni virtútum génere enítuit. Diútius infirmitátibus afflíctus, Deo indesinéter grátias agébat. Cum multis annis ecclésiám sibi commíssam summa cum laude gubernásset, sanctis opéribus et miráculis clarus, quiévit in pace.

Te Deum laudámus.

#### AD LAUDES

Ÿ. Pretiósá in conspéctu Dómini, allelúja. **Ř.** Mors Sanctórum ejus, allelúja.

**Ad Bened. Ant.** Filiæ Jerúsalem, \* veníte et vidéte Mártyres cum corónis, quibus coronávit eos Dóminus in die solemnitátis et lætitiæ, allelúja, allelúja.

#### Oratio

**D**EUS, qui ob invíctum beáti Joánnis sacramentále siléntium, nova Ecclésiám tuam martýrii coróná decorásti: da nobis ejus intercessióne et exem-

plo, linguam caute custodíre; ac ómnia pótius mala, quam animæ detriméntum, in hoc sæculo toleráre. Per Dóminum nostrum.

**Et fit Com. S. Ubaldi:**

**Ant.** Euge, serve bone et fidélis, quia in pauca fuísti fidélis, supra multa te constituam, dicit Dóminus, allelúja.

Ÿ. Justum dedúxit Dóminus per vias rectas, allelúja. **Ř.** Et osténdit illi regnum Dei, allelúja.

#### Oratio

**A**UXÍLIUM tuum nobis, Dómine, quæsumus, placátus impénde: et, intercessióne beáti Ubáldi Confessóris tui atque Pontíficis, contra omnes diaboli nequítias dexteram super nos tuæ propitiatiónis exténde. Per Dóminum nostrum.

#### IN II VESPERIS

Ÿ. Pretiósá in conspéctu Dómini, allelúja. **Ř.** Mors Sanctórum ejus, allelúja.

**Ad Magnif. Ant.** Sancti et justi \* in Dómino gaudéte, allelúja: vos elégit Deus in hereditátem sibi, allelúja.

**Et fit Com. sequentis:**

**Ant.** Similábo eum viro sapiénti, qui ædificávit domum suam supra petram, allelúja.

**Oratio**

**D**EUS, qui beátum Paschálem Confessórem tuum mirífica erga Córporis et Sánguini tui sacra mystéria dilectióne decorásti: concéde propítius; ut, quam ille ex hoc divíno convívio spíritus percépit pinguédinem, eándem et nos percípere mereámur: Qui vivis.

Deinde fit Com. S. Ubaldi:

**Ant.** Amávit eum Dóminus, et ornávit eum: stolam glóriæ índuit eum, et ad portas paradísi coronávit eum, allelúja.

Ÿ. Justum dedúxit **et Oratio**

Auxílium tuum, **ut supra.**

---



---

FESTA JUNII

---

Die 5 Junii

**S. Bonifatii Episcopi et Martyris Duplex II classis**  
**Omnia ut in Communi Martyrum**  
**Tempore Paschali, præter ea, quæ in**  
**Breviario hac die habentur propria.**

**In I Vesperis fit Commemoratio præcedentis.**

**In I Nocturno Lectiones A Miléto, de Communi unius Martyris extra Tempore Paschale 1 loco cum Responsoriis Temporis Paschalis.**

**In II Vesperis fit Commemoratio sequentis.**

